



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

მიურათი ლუი ნაპოლეონ აშილი



ლუი ნაპოლეონ აშილი
მიურათი

მიურათი ლუი ნაპოლეონ აშილი [25. VIII. 1872, ბრინოა, საფრანგეთი, – 14.VI. 1943, ნიცა], გენერალ-მაიორი (1917), საცხენოსნო სპორტის ოლიმპიური ჩემპიონი (1900, საფრანგეთის ნაკრების შემადგენლობაში), პრინცი, სალომე დადიანისა (იხ. დადიანი-მიურათი სალომე) და აშილ მიურათის ვაჟი. დაამთავრა სომიურის კავალერიის სკოლა, 1891-იდან მსახურობდა საფრ. არმიის 25-ე დრაგუნთა პოლკში, 1904-იდან – რუსეთის ჯარის ლაიბგვარდიის ცხენოსან პოლკში, მონაწილეობდა რუსეთ-იაპონიისა (1904-05) და I მსოფლიო (1914-18) ომებში. 1911 გაემგზავრა ამერიკაში, სადაც ადგილ. ნავთობის მაგნატისათვის აწყობდა ცხენსაშენს. 1914-15 იყო ინგუშთა ცხენოსანი პოლკის მეთაურის თანაშემწე, 1915-იდან – კავალერიის ოფიცერთა სკოლის პოლკის მეთაური. 1915-16 იმყოფებოდა კავკ. არმიის მთავარსარდლის განკარგულებაში. 1916-17 მსახურობდა მე-12 დრაგუნთა სტარადუბოვსკის პოლკის მეთაურად. 1917 ოქტ. გადატრიალების შემდეგ დატოვა რუსეთი და ცხოვრობდა ზუგდიდში, დედის მამულში. 1919 წ. 23 სექტ. დანიშნეს უცხოეთის სახელმწიფოების მისიებთან ურთიერთობის ჯგუფის უფროსის თანაშემწედ. 1921 თებ. საბჭოთა რუსეთის მიერ საქართვე. დემოკრ. რესპ. ოკუპაციის შემდეგ დაბრუნდა ნიცაში, სადაც წიგნების თარგმნით ირჩენდა თავს.

დაჯილდოებულია წმ. ვლადიმირის, წმ. სტანისლავის, წმ. ანას სხვადასხვა ხარისხის ორდენებით.

ლიტ.: გოგოტიძე მ., ბეჟიტაშვილი გ., სამხედრო ფიცის ერთგულნი, თბ., 2015.

მ. გოგოტიძე
